



09-09-2020

15
27

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine F/BiH“, broj: 28/97 i 26/02), a u vezi s članom 64. stav (1), tačka b), i članom 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), na preporuku Komisije za javne nabavke u Zapisniku o ocjeni ponuda, broj: 15-11-8-9826-8/20 od 08.09.2020. godine, direktor Kantonalne uprave civilne zaštite, donosi:

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke za predmet ugovora „Nabavka mikrobiološkog sigurnosnog kabineta razine II sa pratećom opremom“, i dodjeljuje se ugovor prvorangiranom ponuđaču „AlphaChrom“ d.o.o. Sarajevo, za ponudenu cijenu u iznosu od 16.930,00 KM bez PDV-a, odnosno 19.808,10 KM sa PDV-om

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici www.czusk.ba, i to istovremeno s upućivanjem iste ponuđačima koji su učestvovali u postupku javne nabavke.

Obrazloženje:

Postupajući po Posebnoj odluci o pokretanju postupka javne nabavke za nabavku mikrobiološkog sigurnosnog kabineta razine II sa pratećom opremom, broj: 15-11-8-9826-1/20 od 13.08.2020. godine, Kantonalna uprava civilne zaštite je u skladu sa Zakona o javnim nabavkama („Službeni glasnik BiH“, broj 39/14) provela postupak konkurentskog zahtjeva za dostavu ponuda.

Po isteku roka za podnošenja ponuda, evidentirano je da su blagovremeno zaprimljene tri ponude, i to:

<u>Broj protokola</u>	<u>Naziv/ime ponuđača (šifra)</u>	<u>Datum i sat prijema</u>
<u>15-11-9826-5/20</u>	<u>ANALITIKA d.o.o. Sarajevo</u>	<u>01.09.2020. (08:30)</u>
<u>15-11-9826-6/20</u>	<u>ALPHACHROM d.o.o. Sarajevo</u>	<u>07.09.2020. (08:30)</u>
<u>15-11-9826-7/20</u>	<u>MPS LAB d.o.o. Sarajevo</u>	<u>07.09.2020. (09:55)</u>

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da je samo ponuda ponuđača „AlphaChrom“ d.o.o. Sarajevo formalno pravno ispravna, ispunjava tehničke zahtjeve ugovornog organa i može biti predmet vrednovanja.

Naime, ponuđač „Analitika“ d.o.o. Sarajevo je u svojoj ponudi dostavio potpisane i ovjerene Tehničke specifikacije koje su prilog Aneksa III – obrasca za cijenu ponude, gdje je izjavio da u cijelosti prihvata uslove ugovornog organa i da nudi predmet nabavke koji zadovoljava zahtjeve koji su navedeni u tehničkoj specifikaciji. Također, ponuđač je dostavio i katalog - brošuru ponuđene robe sa detaljnim opisom tehničkih specifikacija. Međutim, iz dostavljenog kataloga-brošure se jasno vidi da ponuđeni aparat ne ispunjava zahtjeve ugovornog organa postavljene u tenderskoj dokumentaciji.

Nadalje, ponuđač „MPS LAB“ d.o.o. Sarajevo je u svojoj ponudi dostavio katalog - brošuru ponuđene robe na engleskom jeziku, što nije u skladu sa zahtjevima iz tenderske dokumentacije. Naime, tačkom 4.6. Tenderske dokumentacije je utvrđeno da: „Ponuda, svi dokumenti i prepiska u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Prateća dokumentacija i štampana literatura koju dostavi ponuđač mogu biti napisani na drugom jeziku, u međunarodnoj upotrebi, pod uslovom da se uz njih dostavi zvaničan prevod relevantnih dijelova na jeziku na kojem je napisana ponuda.“ Također, ponuđač je u svojoj ponudi dostavio potpisane i ovjerene Tehničke specifikacije koje su prilog Aneksa III – obrasca za cijenu ponude, gdje je izjavio da u cijelosti prihvata uslove ugovornog organa i da nudi predmet nabavke koji zadovoljava zahtjeve koji su navedeni u tehničkoj specifikaciji. Međutim, iz dostavljenog kataloga-brošure na engleskom jeziku se vidi da karakteristike ponuđenog aparata ne odgovaraju zahtjevima ugovornog organa postavljenim u tenderskoj dokumentaciji.

Ugovorni organ je za predmetnu nabavku, u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16), tenderskom dokumentacijom predvidio provođenje e-aukcije, međutim, članom 3. Pravilnika propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama.

Komisija za javne nabavke je nakon izvršene kvalifikacione i tehničke ocjene pristupila ekonomskom vrednovanju ponuda shodno utvrđenom kriteriju „najniža cijena“ na osnovu koga je redoslijed – rang lista prihvatljivih ponuda - ponuđača slijedeća:

1. „AlphaChrom“ d.o.o. Sarajevo, sa ponuđenom cijenom u iznosu od 16.930,00 KM bez PDV-a, odnosno 19.808,10 KM sa PDV-om.

Cijeneći navedeno, ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema iste i to u pisanoj formi i u dovoljnom broju primjeraka, a koji ne može biti manji od tri.

Broj: 15-11-8- 9826-9/20

Datum: 09.09.2020. godine.

